

OL KAINKAIN BINATANG BILONG PAPUA NEW GUINEA



Sampela kain binatang olsem, ol tumbuna bilong yumi bipo save kaikaim. Igat kainkain kala bilong

binatang, sampela bilakpela, liklik na bikpela tru. Kainkain diwai ol dispela kain binatang save kaikaim.

Dispela kain binatang i save kaikaim ol namel bilong diwai. Sampela save kaikai long lip bilong ol kainkain diwai tasol.



Dispela kain binatang isave kaikaim ol lip bilong diwai. Igat kainkain

diwai ol binatang save kaikai.

Kainkain bus olsem, olupela garden (*old garden forest*), bik bus (*secondary forest*) na bikpela bus tru (*rainforest*).

Dispela kain ol liklik snek i save kaikaim ol lip diwai na kamapim ol liklik ol bataplai, long mekim ples i luk nais tru long ai bilong ol man meri long luksave olsem tru kantri i



naispela I gat ol kainkain liklik snek save kaikaim lip bilong ol kain kain diwai. Ol save stap olsem tupela wik o sampela moa de long kamap olsem bataplai igat kainkain kala bilong ol bataplai olsem *blupela*, *brownpela*, *bilakpela*, *grinpela*, *yelopela* na ol sampela moa kala tu. Sampela bilong ol dispela snek binatang save kamapim ol bittles olsem tupela piksa antap tasol.

Yumi ol PNG mas lukaut gut long bus graun na wara bilong yumi nau long dispela taim i kam. Nogut bai yumi sot long dispela kain ol liklik liklik samting bihain taim. Kainkain diwai tu save stap long bik bus na olupela garden. Dispela kain binatang I stap long olgeta hap bilong PNG, bus na nabis, long ailan tu. Sampela I stap ples klia na sampela stap hait.

Sampela bilong dispela kain ol binatang ol tumbuna bipo save kaikaim. Sampela bilong dispela kain binatang save givim taim long ol



tumbuna bipo, o long luksave long birua bai kam.

Luksave bilong yumi ol man meri bilong nau, yumi no save bilong dispela ol binatang ol igat wanem kain wok bilong ol. Dispela kain ol binatang ol save heplpim yumi na mekim yumi hamamas long stap long dispela kantri. Sampela mekim kantri bilong yumi kamap nais tru long ai bilong sampela kantri.

Laip bilong dispela kain ol binatang i olsem bilong yumi ol manmeri. Ol binatang save stap sotpela taim tasol na dai. Ol I no save winim yia long stap olsem yumi ol manmeri. Lukautim na hamamas long ol olsem kantri bilong yumi gat bilas.

Written By: Samuel Hiuk
Parataxonomist Training Centre
P.O. Box 604, Madang PNG